



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

III. Pabst Gregor IX. nimmt das Prämonstratenser-Kloster Gottesstadt in seinen Schutz und bestätigt ihm namentlich das Dorf Bardin, die Ziegeninsel und die Schenkung seines Diöcesanes, des Bischofes ...

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

berghe, et ego Gontrammus, Notarius. Acta sunt hec anno dominice incarnationis M<sup>o</sup>. CC<sup>o</sup>. XXXI<sup>o</sup>.

Aus dem nach dem Original des Königl. Geh. Staatsarchives berichtigten Abdrucke in Gerdens Cod. II, 291.

II. Bischof Conrad von Camin überweist dem, in dem Wendisch Barzsdin genannten Orte, errichteten Kloster Gottesstadt hundert Hufen Landes im Lande Liepe, im Jahre 1233.

Conradus, dei gratia Caminenfis ecclesie Episcopus, uniuersis crisi fidelibus prefens scriptum inspicientibus salutem in eo, qui est salus omnium. Omnia facta mortalium temporalem motum secuntur et pereuntibus hominibus eorum facta intereunt. Ideo necesse est, ut vitis, que in ecclesia Dei plantatur, ne in labruscam, que inutilis est, transeat, sollicito et discrete circumfodiatur. Nos igitur cum Abraham in ur Chaldeorum, qui locus miserie dicitur, et Jehennam inextinguibilem, que fautores suos poculo mortifero inebriat, in miseria nostre conditionis considerantes, instinctu sancti Spiritus, in remissionem omnium peccatorum nostrorum, ad laudem domini nostri Ihesu crisi et beati Marie Virginis claustrum nouo, quod Ciuitas Dei dicitur, quod quondam Slauice Barzsdin dicebatur, centum mansos cum omni iure in uno sulco in pascuis, in graminibus, in siluis, in piscationibus, in venationibus et quicquid utilitatis in posterum emergi potest claustrum supradicto cum omni deuotione assignauimus, Thioderico primo preposito cum fratribus suis in regulari disciplina militantibus ibidem constituto et canonizato, ut per claustrum adeo prenotatum termini nostre terre et dyocesis nostri Episcopatus illesi declarentur. Vt ergo facta nostra rata et inconuulsa permaneant et ne per curricula annorum dente serpentino virus ab emulis toxicatum superfundatur, prefens scriptum prefatis fratribus in testimonium sigillo nostre autoritatis fecimus muniri, et districte precepimus conseruari. Hujus rei testes sunt viri religiosi in ordine clericorum et in conuersatione laicorum. Mansos vero quos donauimus in terra jacent, que Slauice Lipaña nuncupatur. Et hic testimonium inchoatur: Abbas Otto de Belbuch, Henricus, Hugo, Canonici Caminenfes, Kanutus frater in Colbaz, Gwillelmus Notarius, Bertrammus Capellanus, Waltherus, Hermannus, milites in Oderberch et alii quam plures. Acta sunt hec anno incarnationis M<sup>o</sup>. CC<sup>o</sup>. XXXIII<sup>o</sup>. anno nostri pontificatus XV<sup>mo</sup>.

Aus dem nach dem Original des Königl. Geh. Staatsarchives berichtigten Abdrucke in Gerdens Cod. II, 293.

III. Pabst Gregor IX. nimmt das Prämonstratenser-Kloster Gottesstadt in seinen Schutz und bestätigt ihm namentlich das Dorf Bardin, die Ziegeninsel und die Schenkung seines Diöcesanes, des Bischofes von Camin, am 11. October 1233.

Gregorius Episcopus, seruus seruorum Dei, dilectis filiis Preposito et fratribus monasterii sancte Marie, que dicitur Ciuitas Dei, Premonstratensis ordinis, Caminenfis diocesis, salutem et apostolicam benedictionem. Cum a nobis petitur, quod iustum est et honestum tam vigor equi-

tatis, quam ordo exigit rationis, ut id per sollicitudinem officii nostri ad debitum perducatur effectum. Qua propter dilecti in Domino filii vestris iustis postulationibus grato concurrentes assensu, personas vestras et monasterium, in quo diuino estis obsequio mancipati, cum omnibus bonis, que in presentiarum rationabiliter possidet aut in futurum iustis modis prestante Domino poterit adipisci, sub beati Petri et nostra protectione suscipimus. Specialiter autem decimas et possessiones de villa Bardin, insulam caprarum, nec non libertates et immunitates, quas venerabilis frater noster Episcopus Caminensis, loci diocesanus, capituli sui accedente consensu monasterio vestro pia et prouida liberalitate concessit, prout in litteris inde confectis dicitur contineri, sicut ea omnia iuste ac pacifice possidetis, vobis et per vos eidem monasterio auctoritate apostolica confirmamus et presentis scripti patrocinio communimus. Nulli ergo omnino hominum liceat hanc paginam nostre protectionis et confirmationis infringere vel ei ausu temerario contraire. Si quis autem hoc attemptare presumpserit, indignationem omnipotentis Dei et beatorum Petri et Pauli apostolorum eius se noverit incursum. Datum Anagnine, V. Idus Octobris, pontificatus nostri anno septimo.

Aus dem nach dem Original des Königl. Ges. Staatsarchives herichtigten Abdrucke in Gercken Cod. II, 394.

IV. Bischof Otto von Brandenburg bekundet den Plan der Markgrafen Johann und Otto, in seiner Diöcese an dem jetzt Mariensee genannten Orte ein Cistercienser-Kloster zu errichten und legt diesem die bischöflichen Gebungen von 50 Hufen Landes bei, am 8. Februar 1258.

Otto, dei gratia Brandenburgensis ecclesie Episcopus, omnibus in perpetuum. Quanto major et altior est persona, tanto debet curare cautius, ut que gerit negotia, nullo possint processu temporis infirmari. Notum igitur esse volumus tam presentibus quam futuris, quod cum illustres principes Johannes et Otto, Marchiones Brandenburgenses, pium desiderium concepissent, videlicet ut Domum ordinis Cisterciensis in fundo sue proprietatis in nostra dyocesi fundarent in loco, qui nunc dicitur stagnum sancte Marie, nosque et capitulum nostrum humilibus precibus sollicitarent, quatenus nostrum consensum suo religioso desiderio preberemus. Eorum precibus inclinati voluntarium et communem prebuimus assensum, fratribus quoque in eodem loco Deo famulantibus in remissionem nostrorum peccaminum pensionem trium denariorum secundum consuetudinem terre illius de L. mansis libera contulimus donatione, tali videlicet conditione, si eos propriis decreuerint sumptibus excolere. Ne igitur talis consensus siue donatio in posterum ab aliquo possit irritari presentem paginam sigillorum nostrorum appensione et testium subscriptione duximus roborandam. Hujus rei testes sunt Petrus prepositus, Henricus prior, Lambertus Cellerarius, Albernus plebanus Brandeborgensis ecclesie, Johannes Abbas, Richardus prior, Theodoricus Cellerarius de Lenin, Walterus, noster Notarius, et alii quam plures. Acta sunt hec anno domini M. CC. LVIII. pontificatus nostri anno VI. Idus Februarii, Datum Prizzerwe, per manum nostri Notarii Walteri.

Aus dem nach dem Original des Königl. Ges. Staatsarchives herichtigten Abdrucke in Gercken Cod. II, 396.